



清刻龍藏佛說法變相圖

五經同卷

能八

十一面神呪心經

千轉陀羅尼觀世音菩薩呪經

呪五首經

六字神呪經

呪三首經

能八

十一面神呪心經

唐三藏法師玄奘奉 詔譯

如是我聞一時薄伽梵住室羅筏竹笋道場
與大苾芻衆千二百五十人俱菩薩摩訶薩
無量無數慈氏菩薩而爲上首復有無量苾

芻苢芻尼鄔波索迦鄔波斯迦及諸天龍藥
又健達縛阿素洛揭路荼緊捺洛莫呼洛伽
鳩槃荼畢舍遮人非人等大衆圍繞供養恭
敬尊重讚歎而為說法爾時觀自在菩薩摩
訶薩與無量俱胝那庾多百千持呪神仙前
後圍繞來詣佛所到已頂禮世尊雙足右繞
三匝退坐一面白佛言世尊我有神呪心名
十一面具大威力十一俱胝諸佛所說我今
說之為欲利益安樂一切有情除一切病故
滅一切惡故為止一切不吉祥故為却一切
惡夢想故為遮一切非時死故欲令諸惡心
者得調淨故有憂苦者得安樂故有怨對者
得和解故魔鬼障礙皆消滅故心所願求皆
稱遂故世尊我不見世間若天若魔若梵若
沙門若婆羅門等以此神呪防護其身受持

讀誦書寫流布而為一切災橫魔障刀杖毒
藥厭禱呪術所能害者我亦不見以此神呪
隨所住處若遠若近結作界已有能越之來
相燒害唯除決定惡業應熟世尊彼當證知
是事必爾唯應信受不應分別如此則令一
切災橫皆悉遠離不得侵近此神呪心一切
諸佛同所稱讚同所隨喜一切如來憶持守
護世尊我憶過去過殞伽沙等劫前有佛出
世名百蓮華眼無障礙頂熾盛功德光王如
來應正等覺我於爾時作大仙人從彼世尊
受得此呪得此呪時見十方佛應時證得無
生法忍當知此呪具大威力是故若有淨信
善男子善女人等欲受持讀誦此神呪者應
當恭敬至心繫念每晨朝時如法清淨念誦
此呪一百八遍若能如是現身獲得十種勝

利何等爲十一者身常無病二者恒爲十方諸佛攝受三者財寶衣食受用無盡四者能伏怨敵而無所畏五者令諸尊貴恭敬先言六者蠱毒鬼魅不能中傷七者一切刀杖所不能害八者水不能溺九者火不能燒十者終不橫死復得四種功德勝利一者臨命終時得見諸佛二者終不墮諸惡趣三者不因嶮厄而死四者得生極樂世界世尊我憶過去過十殞伽沙等劫復過於此有佛出世名美音香如來應正等覺爾時我身作大居士於彼佛所受得此呪得此呪時便於生死超三四萬劫誦持此呪復得諸佛大悲智藏一切菩薩解脫法門由此威力能救一切牢獄繫閉桎械枷鎖臨當刑戮水火風賊蠱毒厭禱人非人等種種苦難由此我於一切有情能

作歸依救護安慰洲渚室宅以此呪力攝取一切勃惡藥又邏刹娑等先令發起慈心愍心然後安立於阿耨多羅三藐三菩提世尊我此神呪有大威力若誦一遍即能除滅四根本罪及五無間令無有餘況能如說而修行者若有曾於百千俱胝那庾多佛所種諸善根乃於爾時得聞此呪況能受持如說行者若能晝夜讀誦受持此神呪者我當令彼所有願求悉得如意若有能於半月半月或第十四日或第十五日受持齋戒如法清淨繫心於我誦此神呪便於生死超四萬劫世尊我由此呪名號尊貴難可得聞若有稱念百千俱胝那庾多諸佛名號復有暫時於我名號至心稱念彼二功德平等平等諸有稱念我名號者一切皆得不退轉地離一切病

脫一切障一切怖畏及能滅除身語意惡况
 能於我所說神呪受持讀誦如說修行當知
 是人於無上菩提則為領受如在掌中爾時
 世尊讚觀自在菩薩言善哉善哉善男子汝
 乃能於一切有情發起如是大慈悲意而欲
 開示此大神呪善男子汝由此方便能救脫
 一切有情所有病苦障難怖畏身語意惡乃
 至安立一切有情於阿耨多羅三藐三菩提
 善男子我亦隨喜受汝神呪汝當說之時觀
 自在菩薩摩訶薩即從座起偏袒一肩右膝
 著地第八曲躬合掌而白佛言誦此呪者應作是
 說敬禮三寶敬禮聖智海遍照莊嚴王如來
 敬禮一切如來應正等覺敬禮聖觀自在菩
 薩摩訶薩大悲者
 但經他聞 一 達囉達囉 二 地囉地囉 三 杜嚕

杜嚕四 壹去聲 伐去聲 鉢五 折去聲 折去聲 鉢六 羅
 折去聲 鉢七 羅七 折去聲 鉢八 羅八 俱九 蘇九 摩九 伐九 鉢九 羅九
 壹十 履十 弭十 履十 止十一 履十一 止十一 微十一 社十一 時十一 賀十一 羅十一 摩十一
 波十二 捺十二 耶十二 夷十二 何十二 切十二 戍十二 輪十二 律十二 陀十二 薩十二 埵十二 三十二 莫十二 訶十二 迦十二 嚕十二
 尼十三 上十三 迦十三 十十三 莎十三 去十三 聲十三 下十三 訶十三 五十三
 世尊此是根本神呪若有念誦獲如上說功
 德勝利敬禮三寶敬禮聖智海遍照莊嚴王
 如來敬禮一切如來應正等覺敬禮聖觀自
 在菩薩摩訶薩大悲者
 但經他 呵呵呵呵 一 壹二 隸二 弭二 隸二 止二 隸二 婢二
 隸三 棄三 上三 隸三 四三 皆三 同三 隸三 四三 莎三 訶三 五三
 世尊此是呪水及衣呪若欲入道場先當洗
 浴後以此呪呪水七遍灑身結淨復以此呪
 呪衣七遍然後取著敬禮三寶敬禮聖智海
 遍照莊嚴王如來敬禮一切如來應正等覺

用酪酥蜜漬之經宿每取一段^六呪之一遍即

擲火中乃至皆盡然後隨事作所應作敬禮

三寶敬禮聖智海遍照莊嚴王如來敬禮一

切如來應正等覺敬禮聖觀自在菩薩摩訶

薩大悲者

怛經他壹履弭履^一比履底^{丁里切}履^二止

履^三四履^三莎訶^四

世尊此是結界呪欲結界時先以此呪呪水

七遍散灑四方或呪芥子或呪淨灰皆至七

遍散四方面隨心遠近即成界畔而為防護

敬禮三寶敬禮聖智海遍照莊嚴王如來敬

禮一切如來應正等覺敬禮聖觀自在菩薩

摩訶薩大悲者

怛經他 比^一底^二止 底^三底^四底^五止

底^三費^{房匪切}底^四揭^五車^{薄伽}揭^五車^{薄伽}

梵^六阿喇耶婆^{肥何切}盧枳低濕伐囉^七颯縛

婆縛^{去南八聲}莎訶^九

世尊此是請我還自宮呪若所作事竟請我

還自宮時應以此呪呪水七遍散灑四方我

便還去世尊如是神呪雖不成立而亦能作

種種事業至心念誦無不獲願若患瘡病或

一日一發或二日一發或三日一發或四日

一發若患鬼病或部多鬼所作或茶者^{上聲}

尼所作或畢舍遮所作或羯吒^{平聲}布怛那

所作或癩鬼所作或癩鬼所作或餘種種惡

鬼所作皆以此呪呪彼患者一百八遍即得

除愈

若障重者用五色縷誦呪作結一遍一結凡

一百八結以繫病人頭上或繫臂上罪障消

滅病即除愈

若患丁腫癰腫癩瘡疽瘍癰等種種惡病若被刀箭矛稍等傷蛇蠍蜈蚣毒蜂等螫皆以此呪呪之七遍即得除愈

若障重者呪黃土泥至一七遍用塗病處所苦得除

若患緩風偏風癱風耳聾鼻塞癩風等病皆應至心念誦此呪呪彼患者一百八遍病即除愈

若障重者以油或酥煎樺皮及青木香每呪七遍即用塗身或滴耳鼻或令服之所患便

愈

若有所餘種種疾病皆應至心以此呪呪之或自念誦即得除差

世尊若欲成立此神呪者應當先以堅好無隙白梅檀香刻作觀自在菩薩像長一磔手

半左手執紅蓮華軍持展右臂以掛數珠及作施無畏手其像作十一面當前三面作慈悲相左邊三面作瞋怒相右邊三面作白牙上出相當後一面作暴惡大笑相頂上一面作佛面像諸頭冠中皆作佛身其觀自在菩薩身上具瓔珞等種種莊嚴造此像已欲求願者著新淨衣受持齋戒從白月一日至第八日每日三時念誦此呪一百八遍或無量遍從此以後於一靜處敷清淨座安置所造觀自在菩薩像面向西方隨力所辦獻諸飲食唯燒沉水及蘇合香行者當食大麥乳食如前念誦至第十三日從此以後所設供具須倍勝前行者唯應食三白食謂乳酪飯取菩提樹木像前然火復取彼木寸截以為一千八段用靚嚕色迦香油漬之每取一段誦

呪一遍擲置火中乃至皆盡爾時大地岌然
搖震由此像身亦即運動從最上面口中出
聲讚行者言善哉善哉善男子汝能如是勤
苦求願我當令汝所願滿足令汝於此騰空
而去或復令汝所遊無礙或作持呪仙人中

王或使如我自在無障復次行者或於白月
第十五日以十一面觀自在菩薩像置有佛
馱都制多中著新淨水受持齋戒經一日一
夜不飲不食取蘇末那華一千八枚每取一
華呪之一遍擲置像上乃至皆盡爾時其像
當前一面口中出聲猶如雷吼能八由此便令大
地震動行者爾時應自安心勿生恐怖但念
神呪乞所期願作如是言敬禮聖觀自在菩
薩摩訶薩大悲者我於何時能與一切有情
作大依怙能滿一切有情心之所願時觀自

在便與其願當與願時諸天龍等無有能與
作障礙者復次行者於月蝕時取酥一兩銀
器盛之置此像前念誦此呪乃至是月還生
如故便取食之身中諸病無不除愈

復次行者應等分取雄黃牛黃置此像前念
誦此呪一千八遍以水和之點置眉間三事
成就如前所說若和煖水洗浴其身則一切
障礙一切惡夢一切疫病皆得除愈

復次若他方怨賊欲來侵境應取胭脂一顆
誦此呪呪之一百八遍粧點此像左邊瞋面
正向彼方令怨賊軍不得前進

復次若國土中人畜疫起於此像前然任婆
木火復別取彼木寸截以為一十八段每取
一段塗芥子油呪之一遍擲置火中乃至皆
盡復取緋纒作七呪結一呪一結繫置最上

佛面頂上能令疫病一切消除疾疫除已解去呪索

復次若有卒為茶者上聲尼部多鬼等魅著

成病應取白縷作二十一呪結一呪一結繫

著當前慈悲面頂上經一宿已解取以繫病

人頸上病即除愈若業障重不除愈者應取

此索更呪一百八遍繫前所繫像頂上經一

宿已解取以繫病人頸上必得除愈

復次若有長病困苦不差或惡神鬼來入宅

中應取薰陸香一百八顆能八在此像前十願呪一

遍擲置火中乃至皆盡復取白縷作二十一

呪結一呪一結繫置當前慈悲面頂上經一

宿已解取繫病者頸上所患除愈惡鬼退散

復次若為怨讎同求其便鬪諍厭禱欲作衰

害應以種種香華等物供養此像以婆鏤迦

木像前然火取芸薑子一百八顆各呪一遍

擲置火中復取白縷結作一百八結一呪一

結繫著此像左邊瞋面頂上經一宿已解取

此索稱怨讎名截一一結各令異處一稱一

截乃至都盡令彼怨讎所作不遂自然歸伏

復次若人欲求諸善好事取五色縷結作呪

索一百八結一呪一結復於像前呪之七遍

繫置當前慈悲面頂上經一宿已解取繫自

身上所求如意

復次若知身中有諸障難所求善事多不如

心衰禍時時無因而至應以香水浴此像身

復取此水呪之一百八遍以浴毗那藥迦像

身復取呪之一百八遍自灑其身一切障難

自然消滅諸有所求無不如意爾時觀自在

菩薩摩訶薩說此語已一切大眾同時讚言

善哉善哉大士能八乃能為欲利益安樂諸有情十一
故說此神呪我等隨喜亦願受持爾時大衆
歡喜踊躍繞佛三匝作禮而去

十一面神呪心經